

ASTO BELARRI BAKARRA



Asto baldarra arto
soroan sarturik,
ari zala jan ta jan
artaburu aundik,
soroaren jabeak
ikusirik artan,
kiñu bat egin zion
andikan zedin joan;
bañan ez ikusiya
egĩnik astoak,
jale ajolakabe
lasai temosoak,
aurrera ere zion
segitzen lanari,
kasorik egin gabe
kiñu kontubari.
Berriz alderagora
jabea joanikan,
otsegin zion, irten
zedilla andikan;
bañan astoak nola
ez nai baitzuben joan
ezpada lan aretan
ari, artoa jan,
esan zion belarri
bat gorra zubela,
eta beste motzetik

aitzen etzubela;
eta ura aitzeaz
jabea suturik,
eta bertan egur bat
lodiya arturik,
presaz joan bertara ta
esan zion, gorra
bazan ark alde joko
ziola tanborra;
aitzera emateko
aren artorikan,
etzubela iñongo
astok an bear jan;
eta estakarekin
autsak ateratzen,
asirik, bizkarrean
kostillak berotzen,
aitzen zubela bere
gañeko tanborra,
nai bañan nekezago
zan joan itzul gorra.

.
Gorrikan charrena da
gorreri gabia,
bada aitzeko askoz
da gorra obia:
ala naidubenari
izan chanchaz gorra,
bizkar berean bear
zaio jo tanborra.

RAMON ARTOLA.

